

Даалгэвран 200 процент күүцэхэнэ

Элстт балгэсна 2-ч номертэ тосхлтин управленэ полегонд арматурн цех баянэ. Эн цехд Г. Григорьевин бригадт кесг багъчуд болн комсомольцнр кōдлдж, балгэсна тосхлтиг тōмр-бетонар тетгджэнэ. Эдн дунд, кеджэх кōдлмштэн сүзгэн өгч, йилгэн саянэр кōдлдгнэ: Бадминов Николай, Ангриков Владимир, Матвеев Анатолий, Цуглынов Егор, Сохоров Александр болн нань чигн улс. Эдн өдртэн 2,5 тонн тōмр-бетонн белдхин орчд 4-5 тонн белддж, норман 180—200 процент күүргдж күүцэнэ.

Бригад кōдлмшиннь хōон болн амрсн өдрмүдтэн тōмр-бетонн келгэнэ кōдлмшас талдан, цемент, известь, элсэр болн үүрмг чолугьар нээрүлдж герин бат ул кедж, тосхлтд дōнъ-нōкд болдж, 6 кубометр кехин орчд 10--12 кубометр кедж, норман хойр холванднь күүцэхэнэ.

Алдр Октябрин 40-ч джилэ өөниг сэн диилврмүдтэ кōдлмшэр тосхд чидлэн нōл уга кōдлджэхэнэ.

ЭЛДАН Эрдни.